

իսկ փափաքեին լինել արժանի, այլ վասն¹ մնալոյ ի նոցանէ որքք եւ անմխիթարք:

3 Իսկ սրբոցն եւ յառնէն իսկ ճշգրտեալ զիրեանց հաստատապէս անտիսն՝ զաւրացեալք զուարճանային ցնծութեամբ, եւ տուեալ փառս Աստուծոյ՝ իսկոյն երեկոյին պաշտամանն պատրաստէին. քանզի եւ անագանագոյն իսկ եր այնուհետեւ ըստ այլ աւուրց պաշտամանն ժամ: 4 Որ քանզի եւ եկք ամբարակապետին² ի շահաստանն³ ոչ ինչ էին վաղ, վասն որոյ կալ զգիշերն անդէն հարկաւորեցաւ ի շահաստանին: 5 Եւ սրբոցն կատարեալ զկանոն երեկոյին պաշտամանն՝ վայելէին սուղ ինչ եւ դոյզն ռոճկովն որպէս բազմախորտիկս անուշահոտութեամբ. եւ անուշակ ընթրեացն ուրախութեանն յերկարեալ զուրախութիւն ճաշակմանն մխիթարութեան շնորհիւ, զաւրութեամբ Աստուծոյ սուրբ Յոգւոյն, եւ յարուցեալ ընթրեացն, փառաւորելով եւ արհնելով զԱստուած՝ կատարէին զաղաւթսն: 6 Հրաման տային սուրբ քահանայապետքն Աստուծոյ կապելոցն նախարարաց՝ աղաւթից եւ տքնութեան պարապելոյ ըստ կարգի իւրաքանչիւր ուրուք զգիշերն զայն, ասելով ցամենեսեսան այսպէս. «Չի եթէ զոք ի ձէնջ այսաւր յուղարկէիք⁴ ի Հայս⁵, ո՞չ ապաքէն ամ իւրաքանչիւր սիրելիս թուղթս⁶ ողջունացոյցս եւ պատգամս ուրախալիցս յղէին ինդութեամբ. նաեւ յաղագս ճանապարհորդելոյ ի ձէնջ ուրուք ինդրէիք յԱստուծոյ՝ ողջամբ հասանել ամ իւրաքանչիւր ընտանիս եւ զեղեալ ձեզ նմա զբանն կատարել: 7 Եւ արդ՝ անասիկ յուղարկիմք մեք ի ձէնջ ամ Աստուած. ինդրեցէ՛ք⁷ ամենեքեան ի Փրկչէն Քրիստոսս եւ ի սուրբ նորա Յոգւոյն՝ լինել աներկիւղ քաջալերութեամբ ամենեցուն մեզ արժանի երկնաթռիչ ցանկալի ուղւոյն, տանել ձեզ ողջոյն եւ գյանձնարարութիւն⁸ ամ բազումողորմն Քրիստոսս եւ ամ սուրբ գունդն ամաքելոց եւ մարգարէից եւ ամենայն սրբոց: 8 Որոց միշտ բարեխաւսութեամբ թախանձեսցի գորովալից գութ բազումողորմ արարչին Քրիստոսի՝ լինել ձեզ մխիթարիչ եւ փրկիչ. եւ արձակեսցէ զձեզ յերեւելի կապանացոյ յորում էթ, եւ ամաչեցուցանէ զնախանձորդս ձեր եւ զթշնամիս: 9 Տացէ՛ ձեզ տեսանել զաշխարհն Հայոց եւ զընտանիս ձեր, եւ անդ ամփոփեալ զոսկերս իւրաքանչիւր ուրուք զձեր՝ ամ ոսկերս հարց ձերոց ժողովեսցէ, եւ յաներեւոյթ կապանաց սատա-

1 *ՏՏ. չիք* վասն

2 *Ձ* ամբարակապետին

3 *ՁԱտ.* ի շահաստանն

4 *ՁԱտ.* յուղարկեալք. *ԲԳտ. ուղղագրել էին* յուղարկեալ էիք

5 *Գտ.* այսր

6 *Ձ.* թուղթ

7 *ՁԱտ.* ինդրեցաք

8 *Ձ.* անձնարարութիւն